



Datum: 03.09.2012

PREDMET: Saopćenje za javnost

Press OO SDP Tešanj se oglašio saopćenjem pod naslovom: [Samovoljom predsjednika Savjeta MZ Mrkotić ostala bez najatraktivnije zemljišne parcele](#) a povodom Odluke Općinskog vijeća Tešanj od 31.08.2012. godine o ukidanju statusa javnog dobra i prijenosu prava korištenja na dvije parcele u Mrkotiću (nad istim parcelama koje je Općinsko vijeće Tešanj 12.03.2007. godine dodijelilo na korištenje Mrkotiću). Samo onaj ko laički čita stručna obrazloženja ili onaj ko politički zloupotrebljava u predizborne svrhe može istu odluku interpretirati na način kako se to čini u pomenutom saopćenju.

Niti je postojala samovolja Predsjednika Savjeta MZ Mrkotić, niti je mogla postojati jer Predsjednik Savjeta MZ Mrkotić u ovoj proceduri nije odlučivao ni o čemu, nego je samo konsultovan radi dobijanja dodatnih informacija. Ovdje se radi o tome da se izađe u susret investitoru, kao što se to čini na cijelom području općine Tešanj, gdje god je to moguće kako bi se dobila nova radna mjesta. Ova odluka je upravo u interesu Mrkotića.

Sve druge priče su posljedica nepoznavanja procedura ili stranačke zloupotrebe. Sportski teren koji treba da se gradi za potrebe Mrkotića nije ničim doveden u pitanje, a proceduralno je nužno izvršiti potrebna parcelisanja, utvrditi novu namjenu i dodijeliti takvu parcelu MZ Mrkotić, na čemu se radi i što je sastavni dio cijelog postupka. Potvrđeno je da ova lokacija nije pogodna za izgradnju bunara, kao i to da ne ugrožava postojeće bunare koji su uzvodno u odnosu na ovu lokaciju.

Uz to, upravo Predsjednik MZ Mrkotić je odličan primjer rada i brige za lokalnu zajednicu što je dokazao radeći svih ovih godina u kojima je Mrkotić uradio neuporedivo više nego svih godina prije njega.

DOSTAVLJENO:

1. www.opcina-tesanj.ba

PRESS
Općina Tešanj